

ASNB

Laporan Tahunan



ASM 2 Wawasan

Bagi Tahun Kewangan Berakhir 31 Ogos 2019

NOTIS PENTING

Mulai April 2018, penghantaran penyata pengagihan pendapatan, laporan tahunan dan/atau laporan interim bagi kesemua tabung unit amanah ASNB adalah secara elektronik kepada semua pemegang unit. Penyata pengagihan pendapatan akan dihantar ke alamat e-mel yang berdaftar dengan ASNB, manakala laporan tahunan dan/atau laporan interim boleh diakses melalui laman web ASNB www.asnb.com.my.

Pemegang unit/penjaga berdaftar boleh membuat permohonan untuk mendapatkan Penyata Pengagihan Pendapatan secara fizikal dengan menghadirkan diri ke cawangan ASNB atau ejen ASNB di seluruh negara atau dengan melaksanakan cetakan layan diri melalui ASNB Portal.

Bagi pemegang unit yang telah memaklumkan kepada pihak ASNB secara bertulis untuk menerima penyata pengagihan pendapatan, laporan tahunan dan/atau laporan interim secara fizikal, penghantaran penyata pengagihan pendapatan, laporan tahunan dan/atau laporan interim akan dihantar melalui pos ke alamat pemegang unit yang berdaftar dengan ASNB dalam tempoh dua bulan selepas tahun kewangan berakhir atau tempoh interim.

Pemegang unit/penjaga berdaftar juga boleh membatalkan persetujuan yang telah dibuat bagi penerimaan penyata pengagihan pendapatan, laporan tahunan dan/atau laporan interim secara elektronik pada bila-bila masa dengan memaklumkan kepada ASNB secara bertulis dengan menyatakan maklumat pemegang unit iaitu nama, nombor kad pengenalan, nombor telefon, alamat surat menyurat, alamat emel dan nombor ahli bagi mana-mana produk ASNB ke cawangan ASNB yang berhampiran atau, emel ke asnbcare@pnb.com.my.

Terima Kasih.

**Untuk keterangan lanjut sila hubungi
Pusat Khidmat Pelanggan ASNB
Di talian 03-7730 8899 atau emel ke asnbcare@pnb.com.my**

ISI KANDUNGAN

Bil.	Tajuk	Muka Surat
I.	Maklumat Tabung	3
II.	Prestasi Tabung	4
III.	Laporan Pengurus	8
IV.	Penyata Pengurus	12
V.	Penyataan Pemegang Amanah	13
VI.	Laporan Juruaudit Bebas Kepada Pemegang-Pemegang Unit	14
VII.	Penyata Kewangan	
	A. Penyata Untung atau Rugi	17
	B. Penyata Pendapatan Komprehensif	18
	C. Penyata Aliran Tunai	19
	D. Nota-nota Berkenaan Penyata Kewangan	20
VIII.	Alamat Cawangan ASNB	30
IX.	Maklumat Korporat	38

LAPORAN PENGURUS
AMANAH SAHAM MALAYSIA 2 - WAWASAN, "ASM 2 WAWASAN"
[Dahulu dikenali sebagai Amanah Saham Wawasan 2020, "ASW 2020"]



ASM 2 Wawasan

Pemegang-pemegang unit ASM 2 Wawasan, yang dihormati,

AmanahRaya Trustees Berhad (ART) selaku Pemegang Amanah dan Amanah Saham Nasional Berhad (ASNB) selaku Pengurus ASM 2 Wawasan dengan sukacitanya membentangkan Laporan Tahunan ASM 2 Wawasan bagi tahun kewangan berakhir 31 Ogos 2019.

I. MAKLUMAT TABUNG

A. KATEGORI/ JENIS TABUNG

Nama Tabung	Kategori	Jenis Tabung
Amanah Saham Malaysia 2 - Wawasan, "ASM 2 Wawasan" <i>[Dahulu dikenali sebagai Amanah Saham Wawasan 2020, "ASW 2020"]</i>	Aset Campuran	Pendapatan

Nota: Pindaan berkenaan logo dan nama ASM 2 Wawasan berkuatkuasa 15 Oktober 2018.

B. OBJEKTIF PELABURAN TABUNG

Objektif pelaburan ASM 2 Wawasan adalah untuk memberi kadar pulangan yang berpatutan kepada pemegang-pemegang unit menerusi pelaburan dalam portfolio terpilih yang terdiri daripada pelaburan yang dibenarkan.

Nota: ASM 2 Wawasan bukan dana modal terjamin mahupun modal terlindung mengikut definisi Garispanduan Unit Amanah.

C. PENANDA ARAS TABUNG

ASM 2 Wawasan menggunakan penanda aras Kadar Deposit Tetap Maybank 12 bulan ("Maybank 12 bulan") bagi tujuan perbandingan prestasinya.

(Sumber : www.maybank2u.com.my)

D. POLISI PENGAGIHAN PENDAPATAN

ASM 2 Wawasan akan mengagihkan perolehan daripada pendapatannya, jika ada, tertakluk kepada budi bicara pihak pengurusan dan kelulusan daripada pemegang amanah.

E. PEGANGAN UNIT

Pada 31 Ogos 2019, seramai 883,140 individu telah menyertai ASM 2 Wawasan. Saiz pegangan unit adalah seperti berikut:

Saiz Pegangan	Pemegang Unit		Unit Dilanggan	
	Bilangan	%	Unit	%
5,000 dan ke bawah	587,001	66.47	595,818,775.79	2.75
5,001 hingga 10,000	72,273	8.18	527,047,009.38	2.43
10,001 hingga 50,000	149,002	16.87	3,607,029,495.82	16.66
50,001 hingga 500,000	69,856	7.91	8,556,952,817.70	39.52
500,001 dan ke atas	5,008	0.57	8,368,729,329.01	38.64
JUMLAH	883,140	100.00	21,655,577,427.70	100.00

II. PRESTASI TABUNG

A. PERUMPUKAN ASET

- Perumpukan Aset Bagi ASM 2 Wawasan Mengikut Sektor pada Nilai Pasaran Berdasarkan Nilai Aset Bersih (NAB) Tabung:

Sektor	Tahun Kewangan Berakhir 31 Ogos (%)		
	2019	2018	2017
Pelaburan di Pasaran Ekuiti:			
Perkhidmatan Komunikasi	9.11	9.42	10.30
Barangan Bukan Asasi Pengguna	2.36	1.11	1.47
Barangan Asasi Pengguna	8.89	10.42	5.25
Tenaga	3.85	1.79	2.88
Kewangan	26.17	27.85	18.39
Penjagaan Kesihatan	1.81	0.58	2.71
Perindustrian	7.65	7.58	13.11
Teknologi maklumat	2.32	-	-
Bahan Asas	2.86	2.90	2.21
Hartanah	3.33	4.31	3.82
Utiliti	11.29	13.43	9.91
Jumlah	79.64	79.39	70.05
Lain-lain Pelaburan di Pasaran Modal:			
a) Pelaburan di dalam Unit Amanah	0.27	0.44	0.41
b) Sekuriti Berpendapatan Tetap	14.00	10.85	9.76
c) Lain-lain Pelaburan dan Aset Bersih	6.09 ¹	9.32	19.78
Jumlah	100.00	100.00	100.00

Nota: 1. Termasuk deposit dan tunai dengan institusi kewangan (11.68%) dan akaun belum terima (0.50%) selepas ditolak akaun belum bayar (-6.09%).

- ii. Senarai 20 Pelaburan Terbesar yang Disebutharga Dari Segi Peratusan Nilai Pasaran Berbanding Dengan NAB Tabung:

Bil	Syarikat	% Daripada Nilai Aset Bersih Tabung
1.	Malayan Banking Berhad	13.54
2.	Tenaga Nasional Berhad	7.39
3.	CIMB Group Holdings Berhad	6.38
4.	Sime Darby Plantation Berhad	4.51
5.	Axiata Group Berhad	3.10
6.	Public Bank Berhad	2.75
7.	Petronas Chemicals Group Berhad	2.44
8.	Petronas Gas Berhad	2.35
9.	IOI Corporation Berhad	2.02
10.	MISC Berhad	1.97
11.	AmBank Berhad	1.94
12.	Telekom Malaysia Berhad	1.89
13.	Maxis Berhad	1.83
14.	Digi.Com Berhad	1.70
15.	IJM Corporation Berhad	1.48
16.	Gamuda Berhad	1.36
17.	United Plantations Berhad	1.22
18.	Sime Darby Berhad	1.02
19.	Petronas Dagangan Berhad	0.95
20.	IHH Healthcare Berhad	0.87

Nota: Bagi perkara (ii) di atas, senarai lengkap pelaburan akan disediakan atas permintaan pemegang unit.

B. MAKLUMAT KEWANGAN

Perbandingan Prestasi Maklumat Kewangan Bagi Tempoh Tiga (3) Tahun:

Selepas Pengagihan Pendapatan	Tahun Kewangan Berakhir 31 Ogos		
	2019	2018	2017
Unit dalam Edaran (Juta)	21,678.1	19,773.10	18,977.10
Kadar Pengagihan Pendapatan (sen seunit)	5.00	6.00	6.00
Jumlah Pengagihan (RM Juta)	1,051.26	1,180.38	1,131.20
Tarikh Pembayaran	1 Sept	1 Sept	1 Sept
Nisbah Perbelanjaan Pengurusan (%) ¹	0.90	1.14	1.16
Nisbah Pusing Ganti Portfolio (kali) ²	0.44	0.45	0.37

Nota:

1. Nisbah Perbelanjaan Pengurusan (NPP) adalah nisbah di antara jumlah bayaran pengurusan dan perbelanjaan ASM 2 Wawasan yang dikembalikan dengan purata NAB pada kos ASM 2 Wawasan untuk tahun kewangan dikira berpandukan asas harian. Perubahan antara NPP dari 31 Ogos 2018 ke 31 Ogos 2019 adalah ketara disebabkan oleh pengecualian yuran pengurusan bagi tahun kewangan berakhir 2019.
2. Nisbah Pusing Ganti Portfolio (NPGP) adalah nisbah purata bagi jumlah kos pembelian dan penjualan pelaburan dalam tahun kewangan dengan purata NAB pada kos ASM 2 Wawasan untuk tahun kewangan dikira berpandukan asas harian. Perubahan antara NPGP dari 31 Ogos 2018 ke 31 Ogos 2019 adalah tidak ketara bagi tahun kewangan berakhir 2019.

C. PENGAGIHAN PENDAPATAN

Perbandingan pengagihan pendapatan ASM 2 Wawasan bagi tempoh 3 tahun adalah seperti berikut:

Sumber Pendapatan	Bagi Tahun Kewangan Berakhir 31 Ogos (RM Juta)		
	2019	2018	2017
Pendapatan daripada Deposit Instrumen Kewangan	182.84	225.24	212.84
Pendapatan Dividen	610.88	509.34	455.34
Keuntungan Ternyata Bersih daripada Jualan pelaburan	304.91	740.60	719.33
Kerugian bersih kadar tukaran asing	(5.63)	-	-
Jumlah Pendapatan	1,093.00	1,475.18	1,387.51

Sumber pendapatan ASM 2 Wawasan diperolehi dari pendapatan daripada deposit instrumen kewangan, dividen kasar syarikat-syarikat pelaburan serta keuntungan ternyata dari jualan pelaburan pendapatan dari lain-lain instrumen pasaran modal.

D. PURATA PULANGAN TAHUNAN

Purata pulangan tahunan bagi ASM 2 Wawasan adalah seperti berikut:

	Pada 31 Ogos 2019		
	1 tahun	3 tahun	5 tahun
Jumlah Purata Pulangan (%) ¹	5.00	5.67	5.94
Penanda Aras (%) ²	3.10	3.29	3.40

Sumber: Novagni Analytics and Advisory Sdn. Bhd.

Nota:

- Pengiraan Jumlah Purata Pulangan adalah seperti berikut:-
(a) Pulangan 1 tahun = i_t
Di mana, i = pengagihan pendapatan t = tahun semasa
(b) Pulangan 3 tahun = $\left[\frac{i_t + i_{t+1} + i_{t+2}}{3} \right]$
(c) Pulangan 5 tahun = $\left[\frac{i_t + i_{t+1} + i_{t+2} + i_{t+3} + i_{t+4}}{5} \right]$
- Pengiraan bagi penanda aras telah diselaraskan berdasarkan penanda aras yang terbaharu.

E. PERBANDINGAN PRESTASI TABUNG DENGAN PENANDA ARAS

Prestasi bagi ASM 2 Wawasan berbanding penanda aras adalah seperti berikut:

	Tahun Kewangan Berakhir 31 Ogos				
	2019	2018	2017	2016	2015
Jumlah Pulangan Tahunan (%) ¹	5.00	6.00	6.00	6.30	6.40
Penanda Aras (%) ²	3.10	3.35	3.43	3.40	3.73

Sumber: Novagni Analytics and Advisory Sdn. Bhd.

Nota:

- Merupakan pengagihan pendapatan bagi tahun tersebut.
- Pengiraan bagi penanda aras telah diselaraskan berdasarkan penanda aras yang terbaharu.

Sila ambil perhatian bahawa Pengurus tidak menjamin pulangan pelaburan. Pengagihan pendapatan, jika dibayar mungkin turun atau naik. Prestasi tabung masa lalu tidak semestinya mencerminkan prestasi masa hadapan.

F. PERUBAHAN SIGNIFIKAN TABUNG

Tiada perubahan signifikan sepanjang tahun kewangan berakhir 31 Ogos 2019.

G. SITUASI YANG MENJEJASKAN KEPENTINGAN PEMEGANG UNIT

ASNB dan ASM 2 Wawasan tidak mengalami situasi-situasi yang boleh menjejaskan kepentingan pemegang unit.

H. DAGANGAN SILANG

Sepanjang dalam tempoh tinjauan, transaksi dagangan silang dijalankan bagi ASM 2 Wawasan. Transaksi tersebut dijalankan tertakluk kepada Garispanduan Tabung Unit Amanah Suruhanjaya Sekuriti Malaysia dan disemak semula serta diluluskan oleh Ahli Jawatankuasa Pelaburan.

I. KOMISYEN RINGAN

ASNB dan Pengurus Pelaburan tabung unit amanahnya tidak menerima komisyen ringan daripada broker dan/atau wakil urusniaga yang dikendalikan untuk unit amanah.

III. LAPORAN PENGURUS

A. PENCAPAIAN OBJEKTIF TABUNG

ASM 2 Wawasan telah berupaya mencapai objektif pelaburannya dalam menjana pulangan jangka panjang yang kompetitif dan konsisten kepada pemegang-pemegang unit bagi tahun kewangan berakhir 31 Ogos 2019.

B. POLISI PELABURAN

Polisi pelaburan ASM 2 Wawasan adalah untuk melabur di dalam portfolio kelas aset yang pelbagai terutamanya sekuriti yang disenaraikan di Bursa Malaysia, sekuriti yang tidak disenaraikan, instrumen berpendapatan tetap termasuk bon korporat tanpa penarafan dan instrumen pasaran wang, seperti yang tertakluk dalam Suratikatan ASM 2 Wawasan. ASM 2 Wawasan boleh melaburkan sehingga 90% daripada Nilai Tabung (Value of Fund) di dalam ekuiti dan selebihnya dalam lain-lain instrumen pasaran modal. Walau bagaimanapun, ASM 2 Wawasan boleh mengambil strategi defensif mengikut kesesuaian pasaran.

C. STRATEGI PELABURAN SEPANJANG TAHUN KEWANGAN

Bagi tempoh tahun kewangan berakhir 31 Ogos 2019, strategi pelaburan ASM 2 Wawasan telah dilaksanakan dengan perumpukan aset antara ekuiti domestik dan antarabangsa, sekuriti berpendapatan tetap serta pasaran wang. Pelaburan di dalam aset-aset ini difikirkan wajar dan mampu memberi pulangan yang kompetitif dengan mengambil kira faktor-faktor ekonomi domestik dan global, kadar pulangan pasaran saham serta kadar pulangan bagi sekuriti berpendapatan tetap bagi memastikan objektif tabung tercapai. Tumpuan lebih diberikan kepada aset ekuiti berbanding dengan aset sekuriti berpendapatan tetap untuk menjana pulangan yang lebih tinggi dalam bentuk pulangan modal dan juga dividen, sejajar dengan risiko pasaran yang diambil.

i. Ekuiti

Pelaburan ASM 2 Wawasan dalam ekuiti telah ditumpukan kepada sektor-sektor dan saham-saham syarikat yang mempunyai asas yang kukuh dan prospek perniagaan yang cerah serta disokong oleh permintaan tegar dan juga kurang dipengaruhi oleh ketidaktentuan ekonomi. Pada masa yang sama, pelaburan ekuiti juga memberi penekanan pada sektor-sektor dan saham-saham yang mempunyai pulangan dividen yang kompetitif dan konsisten. Bagi mempelbagaikan aset di dalam portfolio, tabung ASM 2 Wawasan turut melabur di dalam ekuiti antarabangsa. Di samping berpotensi memberikan pulangan dalam portfolio, pelaburan ekuiti antarabangsa juga berpotensi untuk mengimbangi risiko dana.

a) Domestik

Bagi ekuiti domestik, sektor-sektor yang menjadi tumpuan ialah sektor kewangan dan utiliti. Pada masa yang sama, pelaburan di dalam sektor-sektor dan saham-saham domestik yang mempunyai pulangan dividen yang kompetitif seperti sektor Dana Pelaburan Hartanah (REIT) turut diberi penekanan.

b) Antarabangsa

Pelaburan antarabangsa tertumpu kepada sektor-sektor seperti teknologi maklumat, kepenggunaan dan kesihatan yang mempunyai prospek perniagaan yang cerah dan kadar pertumbuhan pendapatan yang baik. Selain itu, pelaburan di pasaran antarabangsa juga melibatkan beberapa pasaran utama dunia seperti di pasaran saham Amerika Syarikat, Kesatuan Eropah dan juga Asia demi mempelbagaikan pelaburan antarabangsa.

ii. Sekuriti Berpendapatan Tetap dan Wang Tunai

Bagi tahun kewangan berakhir 31 Ogos 2019, ASM 2 Wawasan telah berusaha meningkatkan pulangan tabung melalui pelaburan dalam sekuriti berpendapatan tetap yang mempunyai perolehan yang bersesuaian dengan risiko kredit setiap terbitan. Pembelian sekuriti berpendapatan tetap yang dilakukan adalah daripada terbitan yang mempunyai purata kadar hasil 4.42% dan taraf rating "AA2". Selain bon korporat, ASM 2 Wawasan juga turut melabur di dalam sekuriti kerajaan Malaysia iaitu Malaysian Government Securities (MGS) dan juga Government Investment Issues (GII) di mana pulangannya terdiri daripada kupon dan juga keuntungan modal di samping mempunyai kecairan yang lebih tinggi berbanding bon korporat.

Pada masa yang sama, tabung ASM 2 Wawasan masih mengekalkan pelaburan dalam pasaran wang. Ini bagi membolehkan Tabung ASM 2 Wawasan memiliki kecairan yang mencukupi bagi memasuki pasaran saham tempatan dan antarabangsa pada masa yang bersesuaian seiring dengan perumpukan aset aktif.

D. ULASAN EKONOMI DAN PASARAN SAHAM

Bagi tempoh tahun kewangan berakhir 31 Ogos 2019, pasaran saham global telah mencatatkan prestasi bercampur dengan ketidakpastian pasaran yang lebih tinggi, akibat dipengaruhi oleh ketegangan hubungan perdagangan antara dua kuasa besar dunia, Amerika Syarikat dan China, pergolakan situasi politik terutama di United Kingdom seperti di Britain dan di Itali, serta krisis "Brexit" berkenaan pengeluaran Britain dari Kesatuan Eropah dan penurunan Kadar Dana Persekutuan oleh Amerika Syarikat. Sepanjang tempoh tinjauan, indeks komposit utama dunia seperti Morgan Stanley All Country World Index (MSCI ACWI) telah mencatatkan penurunan (-2.29%). Pasaran saham utama yang mencatatkan kenaikan adalah China (SHCOMP), Australia (ASX200) dan Amerika Syarikat (DOWJONES) masing-masing dengan kenaikan sebanyak (+5.42%), (+3.97%) dan (+1.60%). Manakala pasaran saham utama lain yang mencatatkan penurunan termasuklah Korea (KOSPI) yang mencatatkan penurunan sebanyak (-14.72%), Jepun (NIKKEI) sebanyak (-9.47%), United Kingdom (FTSE100) sebanyak (-4.11%) dan Eropah (EUROSTOXX) sebanyak (-0.12%).

Bagi tempoh tahun kewangan tersebut, penanda aras utama pasaran tempatan iaitu Financial Times Bursa Malaysia Kuala Lumpur Composite Index (FBM KLCI) telah mencatatkan penurunan sebanyak 207.52 mata atau 11.40% untuk ditutup pada paras 1,612.14 mata pada 31 Ogos 2019, berbanding 1,819.66 mata yang dicatatkan pada 31 Ogos 2018. Paras tertinggi indeks iaitu 1,819.66 mata telah dicatatkan pada 31 Ogos 2018, manakala paras terendah indeks iaitu 1,589.82 mata telah dicatatkan pada 28 Ogos 2019.

Sejajar dengan itu, sektor yang mengalami penurunan tertinggi adalah sektor hartanah iaitu sebanyak (-22.74%), diikuti dengan sektor teknologi sebanyak (-20.04%), dan sektor perindustrian sebanyak (-17.87%). Hanya sektor Dana Pelaburan Hartanah (REIT) yang mencatatkan kenaikan dalam tempoh tinjauan, iaitu sebanyak (+6.83%). Antara saham FBM KLCI yang telah mencatatkan penurunan ketara dalam tempoh tinjauan adalah Genting Malaysia Berhad (-39.85%), Genting Berhad (-30.39%) dan Hartalega Holdings Berhad (-27.75%). Sementara itu, saham-saham FBM KLCI yang telah mencatatkan peningkatan positif adalah MISC Berhad (+22.43%), PPB Group Berhad (+11.07%) dan Digi.com Berhad (+6.58%).

Nilai mata wang Ringgit Malaysia juga telah menyusut nilai sebanyak 2.35% untuk ditutup pada paras RM4.2055/USD pada 31 Ogos 2019 berbanding RM4.1090/USD pada 31 Ogos 2018. Dalam tempoh tinjauan, Ringgit telah didagangkan pada paras terendah RM4.2172/USD pada 29 Ogos 2019, manakala paras tertinggi adalah RM4.0610/USD pada 21 Mac 2019.

Ekonomi Malaysia telah mencatatkan pertumbuhan sebanyak 4.9% pada suku kedua 2019 berbanding 4.5% pada suku pertama 2019, disokong oleh permintaan dalam negeri yang berterusan. Bank Negara Malaysia (BNM) mengunjurkan pertumbuhan ekonomi Malaysia dijangka kekal antara 4.3% hingga 4.8% pada tahun 2019.

E. ULASAN PASARAN WANG, SEKURITI BERPENDAPATAN TETAP DAN KADAR KEUNTUNGAN

Sepanjang tempoh kewangan berakhir 31 Ogos 2019, Jawatankuasa Dasar Monetari (Monetary Policy Committee, MPC) BNM telah mengurangkan Kadar Dasar Semalaman (Overnight Policy Rate, OPR) sebanyak 25 mata asas kepada 3.00% daripada kadar 3.25% pada bulan Mei 2019. Dengan itu, kadar koridor tertinggi dan terendah bagi OPR masing-masing diturunkan kepada 3.25% dan 2.75%. Dengan pengurangan OPR ini, kadar antara bank menjadi lebih rendah dan Kadar Tawaran Antara Bank Kuala Lumpur (Kuala Lumpur Interbank Offered Rate, KLIBOR) 3-bulan menurun daripada 3.65% pada bulan Ogos 2018 kepada 3.30% pada akhir Ogos 2019.

Pelarasan terhadap OPR ini bertujuan untuk mengekalkan tahap akomodatif monetari sejajar dengan pendirian dasar monetari untuk menyokong pertumbuhan ekonomi negara agar terus kukuh, inflasi yang stabil serta disokong oleh pengantaraan kewangan yang mantap dalam ekonomi.

Malaysia antara ekonomi Asia Timur sedang pesat membangun yang menyaksikan pasaran bon mata wang tempatan terus berkembang walaupun terdapat konflik perdagangan dan pertumbuhan global yang sederhana. Pertumbuhan sebahagian besarnya daripada bon kerajaan, terutama bon kerajaan pusat berikutan peningkatan dalam terbitannya, manakala bon korporat turut menyumbang kepada pertumbuhan positif, tetapi dalam skala yang lebih kecil. Bon kerajaan terkumpul mencatatkan pertumbuhan sebanyak 9% manakala bon korporat terkumpul berkembang sebanyak 8% dalam tempoh tahun kewangan berakhir 31 Ogos 2019.

Sokongan terhadap pasaran bon tempatan dijangka kekal berterusan memandangkan ekonomi berada di landasan yang stabil. Dalam jangka masa sederhana, penyusunan dan pelaksanaan polisi kerajaan yang lebih nyata dan telus akan membolehkan keadaan pasaran bon tempatan dijangka akan lebih mantap. Ia akan turut memberi keyakinan kepada pelabur asing untuk kembali membuat penambahan pelaburan berikutan prospek hadapan yang positif kepada Malaysia.

Bagi tempoh kewangan 2019, pergerakan kadar hasil MGS 3-tahun, 5-tahun dan 10-tahun masing-masing mencatat penurunan sebanyak 29, 52 dan 73 mata asas. Penurunan kadar ini antaranya disokong oleh pelarasan OPR, pembelian berterusan oleh pelabur tempatan dan kekurangan penawaran dalam sekuriti hutang swasta. Dalam pasaran bon korporat pula, perubahan kadar hasil secara relatifnya adalah sejajar dengan sekuriti kerajaan.

F. STRATEGI PELABURAN PADA MASA HADAPAN

i. Ekuiti

Pengurus pelaburan ASM 2 Wawasan menjangkakan pertumbuhan ekonomi global yang lebih perlahan bagi tempoh tahun kewangan berakhir 31 Ogos 2020. Faktor ini, serta faktor luaran lain seperti ketidaktentuan polisi ekonomi dan perdagangan terutamanya antara Amerika Syarikat dan China serta situasi "Brexit" di Kesatuan Eropah, dijangka akan mempengaruhi pasaran saham global. Walaupun strategi pelaburan ASM 2 Wawasan masih memberikan fokus yang lebih kepada ekuiti, perumpukan aset ekuiti akan dilakukan secara aktif dan selektif bagi memastikan pulangan tabung kekal kompetitif berbanding penanda aras.

Pelaburan di dalam ekuiti domestik akan dilakukan secara selektif, berdasarkan analisa yang telah dibuat ke atas syarikat-syarikat yang tersenarai di Bursa Malaysia bagi mengenal pasti saham syarikat-syarikat yang mempunyai asas perniagaan yang kukuh dan diniagakan di bawah harga wajar. Pelaburan juga ditumpukan kepada sektor-sektor yang mampu memberikan pulangan yang lebih baik daripada penanda aras, sejajar dengan risiko pasaran yang diambil.

Tabung ASM 2 Wawasan juga akan terus melabur di dalam pasaran ekuiti antarabangsa yang akan dilaksanakan secara berhemah dan berperingkat mengikut kesesuaian keadaan ekonomi global dan matawang asing. Perumpukan aset pelaburan ASM 2 Wawasan secara geografi, akan ditentukan setelah membuat pertimbangan mengenai aliran geopolitik, dan dagangan sedunia. Pelaburan antarabangsa akan tertumpu kepada sektor-sektor yang mempunyai prospek perniagaan yang cerah dan kadar pertumbuhan pendapatan yang baik seperti teknologi maklumat, kepenggunaan dan kesihatan.

Bagi mengekalkan modal jangka panjang serta pulangan yang kompetitif, pengurus pelaburan ASM 2 Wawasan akan sentiasa proaktif dalam mengkaji semula strategi pelaburan secara berkala dengan mengambil kira keperluan semasa, keadaan ekonomi serta persekitaran pelaburan yang sentiasa berubah-ubah. Di samping itu, Pengurus Tabung akan sentiasa mengambil peluang untuk menjual saham-saham yang sudah mencapai nilai penuh pada tahap pasaran yang menguntungkan.

ii. Sekuriti Berpendapatan Tetap dan Wang Tunai

Untuk mempelbagaikan aset dalam portfolio, Pengurus Tabung ASM 2 Wawasan akan terus melabur di dalam sekuriti berpendapatan tetap dan pasaran wang. Bagi tempoh dua belas bulan akan datang, Pengurus Tabung ASM 2 Wawasan akan menumpukan pelaburan dalam bon Kerajaan Malaysia dan bon korporat bagi meningkatkan pulangan dana di samping membangunkan strategi perumpukan aset yang menumpu kepada prestasi yang ditetapkan dan sejajar dengan penanda aras. Pelaburan dalam Sekuriti Kerajaan Malaysia di buat untuk menjana keuntungan modal serta memberi peluang kepada dana untuk membeli sekuriti pada tahap yang lebih menarik berbanding dengan kadar deposit.

Pelaburan dalam sekuriti hutang swasta dibuat dengan pemilihan instrumen-instrumen jangka masa panjang dan sederhana yang bermutu dalam berbagai sektor pilihan, dengan mengambil kira faktor-faktor seperti perolehan, kecairan, tempoh matang dan juga kupon yang berpatutan dengan risiko yang ditanggung oleh Tabung ASM 2 Wawasan. Pelaburan dalam pasaran wang dan sekuriti berpendapatan tetap dapat mengimbangi secara efektif keseluruhan risiko dan pulangan dalam portfolio.

Pengurus Tabung ASM 2 Wawasan akan sentiasa mengkaji semula strategi pelaburan secara berkala dan mengikut keperluan semasa bagi mengekalkan keupayaan Tabung untuk memberikan pulangan yang kompetitif kepada pemegang-pemegang unit dan mengekalkan modal jangka panjang.

IV. PENYATA PENGURUS

Kepada Pemegang-pemegang Unit

AMANAH SAHAM MALAYSIA 2 - WAWASAN, "ASM 2 WAWASAN"

(Dahulu dikenali sebagai Amanah Saham Wawasan 2020, "ASW 2020")

Kami, sebagai Pengarah kepada AMANAH SAHAM NASIONAL BERHAD, iaitu Pengurus kepada AMANAH SAHAM MALAYSIA 2-WAWASAN ("Unit Amanah"), dengan ini menyatakan bahawa pada pendapat Pengurus, penyata kewangan bagi Unit Amanah pada tahun kewangan berakhir 31 Ogos 2019, berserta dengan nota-nota yang dikepilkan padanya telah disediakan dengan wajar menurut Piawaian Laporan Kewangan Malaysia yang telah diubahsuai mengikut preskripsi khusus yang telah diterbitkan oleh Suruhanjaya Sekuriti Malaysia seperti yang dinyatakan pada nota 2 laporan penyata kewangan dan Garis Panduan Tabung Unit Amanah Suruhanjaya Sekuriti berkenaan di Malaysia, setelah mengambilkira pengecualian yang telah diberikan kepada AMANAH SAHAM MALAYSIA 2-WAWASAN bagi memberikan gambaran yang benar dan saksama mengenai kedudukan kewangan Unit Amanah pada 31 Ogos 2019, dan keputusan serta aliran tunai bagi tahun kewangan berakhir pada tarikh tersebut.

Ditandatangani bagi pihak AMANAH SAHAM NASIONAL BERHAD selaku Pengurus kepada AMANAH SAHAM MALAYSIA 2-WAWASAN menurut resolusi para Pengarah bertarikh 23 September 2019.

TAN SRI DR.ZETI AKHTAR AZIZ

Pengerusi

MOHAMMAD BIN HUSSIN

Ketua Pegawai Eksekutif &
Pengarah Eksekutif

Kuala Lumpur, Malaysia
23 September 2019

V. PENYATAAN PEMEGANG AMANAH

Kepada Pemegang-pemegang Unit

AMANAHAH SAHAM MALAYSIA 2 – WAWASAN, “ASM 2 WAWASAN”

(Dahulu dikenali sebagai Amanah Saham Wawasan 2020, “ASW 2020”)

Kami, AMANAHRAYA TRUSTEES BERHAD telah bertindak selaku Pemegang Amanah kepada AMANAHAH SAHAM MALAYSIA 2-WAWASAN bagi tahun kewangan berakhir 31 Ogos 2019. Pada pendapat kami, AMANAHAH SAHAM NASIONAL BERHAD, selaku Pengurus telah mengurus AMANAHAH SAHAM MALAYSIA 2-WAWASAN selaras dengan had-had kuasa pelaburan yang diberikan kepada Pengurus mengikut Suratikatan, undang-undang sekuriti dan Garispanduan Tabung Unit Amanah yang diterimapakai, dengan mengambil kira segala pengecualian yang telah diberikan kepada AMANAHAH SAHAM MALAYSIA 2-WAWASAN bagi tahun kewangan berakhir 31 Ogos 2019.

Kami juga berpendapat bahawa:

- a) penilaian dan penentuan harga adalah dibuat selaras dengan Suratikatan dan mana-mana kehendak kawalseliaan;
- b) penjadian unit dilaksanakan adalah selaras dengan Suratikatan, dan lain-lain peruntukan undang-undang berkaitan; dan
- c) pengagihan kepada pemegang-pemegang unit AMANAHAH SAHAM MALAYSIA 2 - WAWASAN sepertimana yang diisytiharkan oleh Pengurus adalah sesuai dan selaras dengan objektif pelaburan AMANAHAH SAHAM MALAYSIA 2-WAWASAN.

Yang benar,

AMANAHRAYA TRUSTEES BERHAD

HABSAH BINTI BAKAR

Ketua Pegawai Eksekutif

Kuala Lumpur, Malaysia

26 September 2019

VI. LAPORAN JURUAUDIT BEBAS KEPADA PEMEGANG-PEMEGANG UNIT AMANAH SAHAM MALAYSIA 2 - WAWASAN (Dahulu dikenali sebagai Amanah Saham Wawasan 2020) ("Unit Amanah")

Laporan Penyata Kewangan

Kami telah mengaudit penyata kewangan AMANAH SAHAM MALAYSIA 2-WAWASAN ("Unit Amanah"), yang mengandungi penyata untung atau rugi pada 31 Ogos 2019, penyata pendapatan komprehensif, dan penyata aliran tunai bagi tahun kewangan berakhir pada tarikh tersebut, dan rumusan dasar-dasar perakaunan dan lain-lain nota keterangan yang dibentangkan pada muka surat 17 hingga 29.

Pada pendapat kami, penyata kewangan tersebut telah disediakan dengan wajar menurut Piawaian Laporan Kewangan Malaysia (Malaysian Financial Reporting Standards - MFRSs) disesuaikan mengikut preskripsi khusus yang telah diterbitkan oleh Suruhanjaya Sekuriti dan Garis Panduan Tabung Unit Amanah Suruhanjaya Sekuriti di Malaysia bagi memberikan gambaran yang benar dan saksama mengenai kedudukan kewangan Unit Amanah pada 31 Ogos 2019 dan prestasi kewangannya serta aliran tunai bagi tahun kewangan berakhir pada tarikh tersebut.

Pendapat

Kami telah menjalankan audit kami menurut piawaian pengauditan berkenaan yang diluluskan di Malaysia dan Piawaian Pengauditan Antarabangsa. Tanggungjawab kami di bawah piawaian tersebut diuraikan dengan lanjut dalam laporan kami di bawah seksyen "Tanggungjawab Juruaudit untuk pengauditan Penyata Kewangan". Kami percaya bahawa bukti audit yang kami perolehi adalah mencukupi dan bersesuaian untuk memberi asas yang munasabah bagi pendapat kami.

Tanggungjawab kebebasan dan lain-lain tanggungjawab etika

Kami bebas daripada Unit Amanah selaras dengan Undang-Undang Kecil (atas Etika Profesional, Kelakuan dan Amalan) Institut Akauntan Malaysia ("Undang-Undang Kecil") dan Lembaga Piawaian Etika Antarabangsa untuk Kod Akauntan Etika Akauntan Profesional ("Kod IESBA"), dan kami telah memenuhi lain-lain tanggungjawab etika mengikut undang-undang kecil dan Kod IESBA.

Maklumat selain daripada Penyata Kewangan dan Laporan Juruaudit mengenainya

Pengurus Unit Amanah adalah bertanggungjawab untuk lain-lain maklumat. Lain-lain maklumat tersebut merangkumi maklumat yang terkandung dalam Laporan Tahunan Unit Amanah tetapi tidak termasuk penyata kewangan dan laporan juruaudit yang dilampirkan.

Laporan tahunan ini dijangka tersedia kepada kami selepas tarikh laporan juruaudit ini.

Pendapat kami mengenai penyata kewangan tidak meliputi lain-lain maklumat dan kami tidak akan menyatakan sebarang bentuk jaminan ke atas kesimpulan mengenainya. Sehubungan dengan audit kami terhadap penyata kewangan, tanggungjawab kami adalah untuk mempertimbangkan samada lain-lain maklumat tersebut secara materialnya tidak selaras dengan penyata kewangan atau pengetahuan diperolehi dari audit, atau sebaliknya menunjukkan kesilapan material yang ketara dengan membaca lain-lain maklumat yang dikenal pasti di atas apabila ia tersedia.

Apabila kami membaca laporan tahunan, sekiranya kami mendapati terdapat salah nyata yang ketara di dalamnya, kami perlu menyampaikan perkara itu kepada yang berkaitan dengan tadbir urus dan melaporkan fakta-fakta tersebut mengikut kesesuaian.

Tanggungjawab Pengurus dan Pemegang Amanah terhadap Penyata Kewangan

Pengurus Unit Amanah adalah bertanggungjawab ke atas penyediaan penyata kewangan yang memberi gambaran yang benar dan saksama berdasarkan Piawaian Laporan Kewangan Malaysia (Malaysian Financial Reporting Standards - MFRSs) dan Piawaian Laporan Kewangan Antarabangsa (International Financial Reporting Standards - IFRSs). Pengurus juga bertanggungjawab ke atas kawalan dalaman berkaitan penyediaan dan persembahan yang saksama penyata kewangan, yang bebas dari kesilapan yang material, samada disebabkan kesilapan atau pecah amanah. Pemegang Amanah adalah bertanggungjawab untuk memastikan Pengurus menyimpan rekod perakaunan dan lain-lain rekod yang diperlukan untuk persembahan penyata kewangan yang saksama.

Dalam menyediakan penyata kewangan Unit Amanah, Pengurus adalah bertanggungjawab untuk menilai keupayaan Unit Amanah untuk meneruskan sebagai usaha berterusan, menyatakan, yang mana berkenaan, perkara-perkara yang berkaitan dengan usaha berterusan dan menggunakan asas perakaunan usaha berterusan melainkan jika para Pengarah berhasrat untuk membubarkan Unit Amanah atau menamatkan operasi, atau tidak mempunyai alternatif yang realistik selain berbuat demikian.

Objektif kami adalah untuk memperoleh jaminan yang munasabah sama ada penyata kewangan Unit Amanah secara keseluruhannya adalah bebas daripada salah nyata yang ketara, sama ada disebabkan oleh penipuan atau kesilapan, dan mengeluarkan laporan juruaudit yang merangkumi pendapat kami.

Jaminan yang munasabah adalah tahap jaminan yang tinggi, tetapi bukan satu jaminan bahawa audit yang dijalankan mengikut Piawaian Pengauditan yang diluluskan di Malaysia dan Piawaian Pengauditan Antarabangsa akan sentiasa mengesan salah nyata yang ketara apabila ia wujud. Salah nyata boleh timbul daripada penipuan atau kesilapan dan dianggap ketara jika, secara individu atau dalam agregat, salah nyata ini dijangkakan akan mempengaruhi keputusan ekonomi yang diambil pengguna berdasarkan penyata kewangan ini.

Sebagai sebahagian daripada audit mengikut Piawaian Pengauditan yang diluluskan di Malaysia dan Piawaian Pengauditan Antarabangsa, kami menjalankan pertimbangan profesional dan mengekalkan keraguan profesional semasa menjalankan audit. Kami juga:

- Mengetahui dan menilai risiko salah nyata yang ketara dalam penyata kewangan Unit Amanah, sama ada disebabkan oleh penipuan atau kesilapan, reka bentuk dan melaksanakan prosedur audit yang responsif kepada risiko berkenaan, dan mendapatkan bukti audit yang mencukupi dan bersesuaian untuk memberi asas yang munasabah bagi pendapat kami. Risiko tidak mengesan salah nyata yang ketara akibat daripada penipuan adalah lebih tinggi daripada salah nyata akibat kesilapan memandangkan penipuan mungkin melibatkan pakatan sulit, pemalsuan, peninggalan sengaja, gambaran yang salah, atau mengatasi kawalan dalaman.

- Memperoleh pemahaman mengenai kawalan dalaman yang berkaitan dengan audit bagi tujuan merangka prosedur audit yang bersesuaian dengan keadaan, tetapi bukan bertujuan untuk menyatakan pendapat mengenai keberkesanan kawalan dalaman Unit Amanah.
- Menilai kesesuaian polisi-polisi perakaunan yang digunakan dan kemunasabahan anggaran perakaunan dan berkaitan pendedahan yang dibuat oleh Pengurus.
- Membuat kesimpulan mengenai kesesuaian Pengurus menggunakan asas perakaunan usaha berterusan dan, berdasarkan bukti audit yang diperolehi, sama ada wujud ketidakpastian yang berkaitan dengan peristiwa atau keadaan yang boleh membuang keraguan ketara pada keupayaan Unit Amanah untuk terus sebagai satu usaha berterusan.
- Jika kami membuat kesimpulan bahawa wujud ketidakpastian, kami dikehendaki untuk menyatakannya dalam laporan juruaudit kami kepada pendedahan yang berkaitan dalam penyata kewangan Unit Amanah atau, jika pendedahan tersebut tidak mencukupi untuk mengubah pendapat kami. Kesimpulan kami adalah berdasarkan kepada bukti audit yang diperolehi sehingga tarikh laporan juruaudit kami. Walau bagaimanapun, peristiwa atau keadaan yang akan berlaku pada masa akan datang boleh menyebabkan Unit Amanah untuk menghentikan terus usaha yang berterusan.
- Menilai pembentangan keseluruhan, struktur dan kandungan penyata kewangan Unit Amanah, termasuk pendedahan, dan sama ada penyata kewangan berdasarkan asas urus niaga asas dan peristiwa dalam cara yang mencapai pembentangan saksama.

Kami berkomunikasi dengan Pengurus mengenai, antara perkara-perkara lain, skop yang dirancang dan masa untuk audit dan penemuan penting, termasuk sebarang kekurangan yang ketara dalam kawalan dalaman yang dikenal pasti semasa audit kami.

Lain-lain perkara

Laporan ini dibuat semata-mata untuk pemegang Unit Amanah, sebagai sebuah badan, dan bukan untuk tujuan lain. Kami tidak bertanggungjawab kepada mana-mana pihak lain untuk kandungan laporan ini.

Hanafiah Raslan & Mohamad
AF: 0002
Akauntan Bertauliah

Muhammad Syarizal bin Abdul Rahim
No. 03157/01/2021 J
Akauntan Bertauliah

Kuala Lumpur, Malaysia
23 September 2019

VII: PENYATA KEWANGAN AMANAH SAHAM MALAYSIA 2-WAWASAN
(Dahulu dikenali sebagai Amanah Saham Wawasan 2020)

A. PENYATA UNTUNG ATAU RUGI
BAGI TAHUN KEWANGAN BERAKHIR 31 OGOS 2019

	Nota	2019 RM	2018 RM
PENDAPATAN			
Pendapatan dari instrumen pasaran kewangan, sekuriti berpendapatan tetap dan lain-lain pendapatan		182,839,267	225,239,108
Pendapatan dividen		610,886,487	509,345,326
Keuntungan ternyata daripada jualan pelaburan		304,906,698	740,600,872
Kerugian bersih kadar tukaran asing		(2,680,320)	-
		<u>1,095,952,132</u>	<u>1,475,185,306</u>
PERBELANJAAN			
Yuran pengurusan	5	175,898,222	207,491,847
Yuran pemegang amanah	6	750,000	750,000
Ganjaran juruaudit		26,000	26,000
Yuran ejen cukai		3,700	3,500
Perbelanjaan pentadbiran		21,375,187	30,008,043
Rosot nilai dalam pelaburan disebut harga		30,864,738	83,422,843
		<u>228,917,846</u>	<u>321,702,233</u>
PENDAPATAN BERSIH SEBELUM CUKAI CUKAI	7	867,034,286	1,153,483,073
PENDAPATAN BERSIH SELEPAS CUKAI		<u>-</u>	<u>-</u>
		<u>867,034,286</u>	<u>1,153,483,073</u>
Pengagihan pelaburan	8	<u>1,051,262,065</u>	<u>1,180,385,165</u>
Pengagihan kasar dan bersih seunit		<u>5.00 sen</u>	<u>6.00 sen</u>
Tarikh pengagihan		<u>1 September 2019</u>	<u>1 September 2018</u>

Polisi perakaunan dan nota-nota lampiran merupakan sebahagian daripada penyata ini.

**B. PENYATA PENDAPATAN KOMPREHENSIF
BAGI TAHUN KEWANGAN BERAKHIR 31 OGOS 2019**

	Nota	2019 RM	2018 RM
PENDAPATAN BERSIH SELEPAS CUKAI		867,034,286	1,153,483,073
Lain-lain pendapatan komprehensif		-	-
JUMLAH PENDAPATAN KOMPREHENSIF UNTUK TAHUN KEWANGAN		867,034,286	1,153,483,073
Jumlah pendapatan komprehensif terdiri daripada berikut:			
Ternyata		864,086,979	1,153,483,073
Tidak ternyata		2,947,307	-
		867,034,286	1,153,483,073

Polisi perakaunan dan nota-nota lampiran merupakan sebahagian daripada penyata ini.

C. PENYATA ALIRAN TUNAI
BAGI TAHUN KEWANGAN BERAKHIR 31 OGOS 2019

ALIRAN TUNAI DARIPADA AKTIVITI OPERASI DAN PELABURAN	2019 RM	2018 RM
Perolehan daripada penjualan pelaburan	8,617,061,897	8,352,134,006
Pembelian pelaburan	(10,546,993,886)	(10,776,599,618)
Simpanan dalam deposit dan instrumen kewangan	948,759,032	(948,759,032)
Pengeluaran dari deposit dan instrumen kewangan	-	2,735,197,001
Pendapatan dari instrumen pasaran kewangan, sekuriti berpendapatan tetap dan lain-lain pendapatan	211,145,598	240,415,800
Pendapatan dividen diterima	601,250,770	513,097,611
Pembayaran yuran pengurusan	(174,463,986)	(217,085,627)
Pembayaran yuran pemegang amanah	(750,000)	(787,500)
Pembayaran lain-lain perbelanjaan	(21,357,806)	(20,873,775)
Cukai dikembalikan	66,589,809	-
Tunai bersih digunakan dalam aktiviti operasi dan pelaburan	(298,758,572)	(123,261,133)

ALIRAN TUNAI DARIPADA AKTIVITI PEMBIAYAAN

Tunai diterima daripada penjadian unit	1,905,000,000	796,000,000
Pengagihan dibayar	(1,180,385,165)	(1,131,204,689)
Tunai bersih dihasilkan / (digunakan) dalam aktiviti pembiayaan	724,614,835	(335,204,689)

**PENAMBAHAN/(PENGURANGAN) BERSIH DALAM
TUNAI DAN PERSAMAAN TUNAI**

PERBEZAAN TUKARAN MATAWANG TUNAI DAN PERSAMAAN TUNAI PADA AWAL TAHUN	425,856,263	(458,465,822)
TUNAI DAN PERSAMAAN TUNAI PADA AKHIR TAHUN	9,980,432	-
	1,721,111,678	2,179,577,500
	2,156,948,373	1,721,111,678

TUNAI DAN PERSAMAAN TUNAI TERDIRI DARIPADA:

Tunai di bank	159,348,683	3,000
Deposit dengan institusi kewangan	1,997,599,690	2,669,867,710
	2,156,948,373	2,669,870,710
Deposit dengan tempoh matang lebih daripada 3 bulan	-	(948,759,032)
	2,156,948,373	1,721,111,678

Polisi perakaunan dan nota-nota lampiran merupakan sebahagian daripada penyata ini.

D. NOTA-NOTA BERKENAAN PENYATA KEWANGAN – 31 OGOS 2019

1. UNIT AMANAH, PENGURUS DAN KEGIATAN-KEGIATAN UTAMA

AMANAH SAHAM MALAYSIA 2 - WAWASAN (dahulunya dikenali sebagai AMANAH SAHAM WAWASAN 2020) (berikutnya dirujuk sebagai "Unit Amanah") ditubuhkan selaras dengan pelaksanaan Suratikatan bertarikh 14 Ogos 1996, antara Pengurus, Amanah Saham Nasional Berhad ("ASNB"), Pemegang Amanah, Amanah Raya Berhad serta Pemegang Unit Berdaftar Unit Amanah.

Kegiatan utama Unit Amanah ialah melabur dalam "Pelaburan Dibenarkan" seperti yang didefinisikan di bawah Klausula 1 Suratikatan. "Pelaburan Dibenarkan" termasuk pelaburan jangka pendek dan ekuiti, saham atau debentur syarikat yang disenaraikan di mana-mana bursa saham atau mana-mana syarikat yang disyorkan oleh Pengurus dan dipersetujui oleh Pemegang Amanah. Unit Amanah ini mula beroperasi pada 2 September 1996, dan akan meneruskan operasinya sehingga ditamatkan oleh Pemegang Amanah seperti yang diperuntukkan di bawah Klausula 23 Suratikatan.

ASNB adalah sebuah syarikat yang diperbadankan di Malaysia dan dimiliki sepenuhnya oleh Permodalan Nasional Berhad ("PNB"). Kegiatan utama ASNB ialah mengurus unit amanah.

PNB ialah sebuah syarikat yang diperbadankan di Malaysia. Kegiatan utama Syarikat ialah membeli dan memegang saham untuk meningkatkan hak milik pegangan modal saham oleh masyarakat Bumiputera di dalam sektor korporat di Malaysia. PNB telah dilantik sebagai Pengurus Pelaburan bagi Unit Amanah di bawah Perjanjian Pengurusan Pelaburan bertarikh 14 Mei 2001.

Penyata kewangan ini telah diluluskan oleh Lembaga Pengarah ASNB untuk diterbitkan menurut resolusi para Pengarah pada 23 September 2019.

2. ASAS PENYEDIAAN

Penyata kewangan ini telah disediakan mengikut rangka kerja Perangkaan Piawaian Laporan Kewangan Malaysia ("MFRS") yang diubahsuai mengikut preskripsi khusus yang diterbitkan oleh Suruhanjaya Sekuriti dan Garispanduan Tabung Amanah Suruhanjaya Sekuriti di Malaysia, kecuali bagi pengecualian tertentu sebagaimana yang diluluskan oleh Suruhanjaya Sekuriti.

Suruhanjaya Sekuriti telah mengeluarkan preskripsi khusus di mana Permodalan Nasional Berhad ("PNB") dan unit amanah berharga tetap yang diuruskan oleh PNB dikecualikan daripada tetapi dibenarkan untuk menggunakan MFRS 9 Financial Instruments: Recognition and Measurement ("MFRS 9") dan MFRS 7 Financial Instruments: Disclosures ("MFRS 7"). Berdasarkan preskripsi diberikan, Unit Amanah telah memilih untuk tidak menggunakan MFRS 9 dalam perakaunan bagi instrumen kewangan dan MFRS 7 bagi tujuan pendedahan yang berkaitan dengan instrumen kewangan. Dasar Unit Amanah bagi perakaunan bagi instrumen kewangan dinyatakan dalam Nota 3(a).

Penyata kewangan ini telah disediakan mengikut piawaian kos sejarah.

a) Perubahan dalam polisi perakaunan

Syarikat dengan tempoh kewangan bermula pada atau selepas 1 September 2018 adalah tertakluk kepada MFRSs yang baru dan telah disemak semula tanpa memberi kesan kepada penyata kewangan Amanah.

b) Piawaian yang diterbitkan tetapi belum berkuatkuasa

Piawaian, Pindaan dan Tafsiran Jawatankuasa Isu-isu ("IC") yang telah diterbitkan oleh Malaysian Accounting Standards Board ("MASB") pada tarikh kelulusan penyata kewangan ini adalah tidak berkaitan dengan Unit Amanah.

3. RUMUSAN DASAR-DASAR PENTING

a) Instrumen Kewangan

Aset dan liabiliti kewangan di dalam penyata kedudukan kewangan, merangkumi sekuriti berpendapatan tetap dan sekuriti hutang tidak disebut harga, sekuriti modal bercantum, skim pelaburan kolektif tidak disenaraikan, saham disebut harga, instrumen pasaran kewangan, simpanan dengan institusi kewangan, penghutang dan pemiutang. Dasar-dasar perakaunan atas pengiktirafan dan ukuran bagi perkara-perkara tersebut dinyatakan dalam dasar perakaunan masing-masing.

Instrumen kewangan diklasifikasikan sebagai aset atau liabiliti berdasarkan butiran perjanjian kontrak. pendapatan, manfaat, dividen, keuntungan dan kerugian berkaitan instrumen kewangan yang diklasifikasikan sebagai aset, dilaporkan sebagai pendapatan.

b) Pelaburan

i. Sekuriti Berpendapatan Tetap dan Sekuriti Hutang Tidak Disebut Harga.

Pelaburan dalam sekuriti berpendapatan tetap dan sekuriti hutang tidak disebut harga dan sekuriti modal bercantum adalah sekuriti yang dibeli dan dipegang untuk pendapatan atau peningkatan nilai dan kebiasaannya dipegang hingga tarikh matang. Pelaburan ini dinyatakan pada kos dan dimana berkenaan, diselaraskan untuk pelunasan premium atau akreasi diskaun, yang dikira daripada tarikh pembelian hingga tarikh matang. Sebarang peruntukan rosot nilai yang kekal akan diiktiraf di dalam untung atau rugi.

ii. Saham Disebut Harga, Saham Tidak Disebut Harga, Saham Pinjaman/Waran, Pelaburan Amanah Hartanah ("REITs") dan Skim Pelaburan Kolektif Tidak Disebut Harga.

Pelaburan dalam saham disebut harga, pelaburan tidak disebut harga, saham pinjaman/waran, REITs dan skim pelaburan kolektif tidak disenaraikan dinyatakan pada kos tolak peruntukan rosot nilai yang kekal. Kos ditentukan berdasarkan asas purata wajar. Sebarang peruntukan rosot nilai yang kekal akan diiktirafkan di dalam Penyata Untung atau Rugi.

iii. Instrumen Pasaran Kewangan

Sijil hutang Islam boleh niaga dinyatakan menurut harga kos diselarasakan untuk kadar pendapatan efektif, tolak sebarang kerugian rosot nilai yang kekal. Peruntukan rosot nilai yang kekal akan diiktirafkan di dalam penyata untung atau rugi.

iv. Deposit dengan Institusi Kewangan

Deposit dengan institusi kewangan dinyatakan pada kos.

c) Jumlah Terhutang daripada/(kepada) Broker Saham

Jumlah terhutang daripada/(kepada) broker saham dibawa pada nilai kontrak.

d) Pendapatan Belum Terima

Pendapatan belum terima dinyatakan pada nilai saksama yang boleh diperolehi.

e) Pelbagai Pemiutang

Pelbagai pemiutang dinyatakan pada nilai kos iaitu nilai saksama yang akan dibayar di masa hadapan untuk pembelian dan perkhidmatan yang diterima.

f) Pengiktirafan Pendapatan

Pendapatan dividen kasar diambil kira mengikut asas pengisytiharan, apabila hak untuk menerima dividen telah dipastikan.

Keuntungan/pendapatan daripada instrumen pasaran kewangan, simpanan dengan institusi kewangan diambil kira mengikut asas akrual menggunakan kaedah kadar pendapatan atau keuntungan efektif.

Keuntungan ternyata daripada jualan pelaburan diambil kira berdasarkan perbezaan di antara pendapatan bersih dengan nilai dibawa oleh pelaburan tersebut.

g) Mata wang asing

Mata wang fungsian dan pelaporan

Perkara berkaitan mata wang asing yang terkandung di dalam penyata kewangan Unit Amanah adalah diukur dengan menggunakan mata wang persekitaran ekonomi utama di mana Unit Amanah beroperasi ("mata wang fungsian").

Pengurus telah membuat pertimbangan yang teliti bagi menentukan mata wang fungsian yang menggambarkan kesan ekonomi sewajarnya terhadap transaksi asas berdasarkan keadaan dan peristiwa, telah menentukan RM sebagai mata wang fungsian terutamanya disebabkan oleh faktor-faktor berikut:

- i. Unit-unit bagi Unit Amanah didenominasi dalam RM.
- ii. Sebahagian besar perbelanjaan Unit Amanah didenominasi dalam RM.
- iii. Sebahagian besar NAB Unit Amanah dilaburkan didalam pelaburan yang didenominasi dalam RM.

Transaksi dan imbalan

Transaksi mata wang asing ditukarkan kepada mata wang fungsian dengan menggunakan kadar tukaran semasa pada tarikh transaksi atau valuasi dimana urusniaga akan dinilai semula. Keuntungan dan kerugian tukaran asing terhasil dari penyelesaian sesuatu transaksi dan dari perubahan kadar tukaran bagi aset dan liabiliti kewangan pada akhir tahun diiktiraf didalam Penyata Pendapatan Komprehensif.

Transaksi bukan kewangan pada nilai saksama yang didenominasikan dalam mata wang asing ditukarkan pada kadar semasa pada tarikh nilai saksama ditentukan. Transaksi bukan kewangan yang diukur dari segi kos sejarah dalam mata wang asing tidak ditukarkan. Perbezaan tukaran yang timbul daripada penukaran transaksi bukan kewangan pada nilai saksama dimasukkan ke dalam keuntungan atau kerugian bagi tempoh tersebut kecuali perbezaan yang timbul daripada penukaran transaksi bukan kewangan yang mana keuntungan dan kerugian diiktiraf secara langsung dalam ekuiti. Perbezaan pertukaran yang timbul daripada transaksi bukan kewangan juga diiktiraf secara langsung dalam ekuiti.

h) Tunai dan persamaan tunai

Bagi tujuan Penyata Aliran Tunai, tunai dan persamaan tunai terdiri daripada tunai di bank, simpanan dalam panggilan dan simpanan jangka pendek berkecairan tinggi dimana perubahan dalam nilai mempunyai risiko yang tidak ketara.

4. ANGGARAN DAN PENILAIAN PERAKAUNAN PENTING

a) Penilaian Kritikal Dibuat dalam Mengaplikasi Polisi Perakaunan

Penilaian dibuat oleh pengurus Pelaburan dalam proses mengaplikasi polisi perakaunan Unit Amanah berkaitan pelaburan adalah seperti berikut:

- i. Pengurus pelaburan mengenalpasti samada pelaburan-pelaburannya perlu dirosot nilai mengikut beberapa indikasi-indikasi rosot nilai seperti, antara lain, kekurangan yang berpanjangan diantara harga pasaran dan jumlah yang dibawa, perubahan yang penting dengan kesan-kesan negatif terhadap pelaburan dan persembahan kewangan pelaburan yang merosot.
- ii. Bergantung kepada asas dan industri yang berkaitan dengan pelaburan tersebut, penilaian dibuat oleh Pengurus Pelaburan untuk memilih cara-cara penilaian yang sesuai seperti, antara lain, aliran tunai yang didiskaunkan, aset nyata bersih, nilai aset ternyata bersih dan cara-cara purata nisbah harga pendapat sektor.

b) Sumber Utama Ketidakpastian Anggaran

Setelah cara penilaian yang sesuai dipilih, Pengurus Pelaburan membuat beberapa andaian berkenaan masa depan bagi menganggarkan jumlah pelaburan yang boleh dituntut. Andaian ini dan sumber utama ketidakpastian anggaran yang lain pada tarikh penyata aset dan liabiliti, mungkin mengandungi risiko penting yang mengakibatkan perubahan yang material terhadap jumlah pelaburan yang dibawa ke tahun kewangan seterusnya. Bergantung kepada pelaburan-pelaburan tertentu, andaian yang dibuat oleh Pengurus Pelaburan termasuk, antara lain, andaian terhadap aliran tunai masa hadapan yang dijangka, pertumbuhan pendapatan, kadar diskaun yang digunakan bagi tujuan aliran tunai yang didiskaunkan yang mana melibatkan risiko-risiko yang relevan, dan keputusan masa hadapan yang dijangka terhadap beberapa peristiwa lepas.

Sensitiviti terhadap perubahan dalam andaian

Pengurus Pelaburan percaya bahawa tiada kemungkinan perubahan dalam kunci andaian yang disebutkan di atas yang mana boleh menyebabkan jumlah pelaburan yang di bawa secara materialnya melebihi jumlah yang boleh dituntut.

c) Penilaian Rosot Nilai

Penilaian rosot nilai pelaburan-pelaburan yang terlibat dengan indikasi-indikasi rosot nilai telah dilaksanakan oleh Pengurus Pelaburan. Pada tahun semasa, tiada pengiktirafan rosot nilai pelaburan direkodkan (2018: RM83,422,843).

5. YURAN PENGURUS

Klausula 13.1, Surat Ikatan memperuntukkan bahawa Pengurus berhak menerima yuran tidak melebihi 1.0% setahun daripada Nilai Aset Bersih pada kos ("NAB") boleh agih kepada pemegang-pemegang unit Unit Amanah, dikira dan diakui secara harian seperti yang dipersetujui oleh Pengurus dan Pemegang Amanah.

Yuran pengurus dikenakan bagi tahun berakhir 31 Ogos 2019 sebanyak 0.80% (2018: 1.0%) daripada NAB Unit Amanah.

6. YURAN PEMEGANG AMANAH

Klausula 13.2 Suratikatan memperuntukkan bahawa Pemegang Amanah berhak menerima yuran pada kadar yang dipersetujui oleh Pengurus dan Pemegang Amanah dari masa ke semasa.

Yuran Pemegang Amanah yang dikenakan bagi tahun berakhir 31 Ogos 2019 ditetapkan pada RM750,000 (2018: RM750,000).

7. CUKAI

Unit Amanah telah diberikan pengecualian daripada cukai pendapatan oleh Menteri Kewangan mengikut bidangkuasa yang diberikan kepadanya di bawah Seksyen 127(3A) Akta Cukai Pendapatan, 1967, sehingga tahun taksiran 2026.

Disebabkan oleh pengecualian cukai, pendapatan dividen yang diperolehi daripada REITs akan dibayar semula oleh Lembaga Hasil Dalam Negeri Malaysia.

8. PERUNTUKAN PENGAGIHAN

	2019 RM	2018 RM
Peruntukan pengagihan	1,051,262,065	1,180,385,165

Peruntukan tersebut merupakan pengagihan yang disyorkan pada tahun berakhir 31 Ogos 2019 sebanyak 5.00sen (2018:6.00sen) seunit yang akan diagihkan kepada pemegang-pemegang unit. Pengagihan ini dikira berdasarkan jumlah unit minima bulanan yang dipegang oleh pemegang-pemegang unit dalam tempoh dua belas bulan sebelum tarikh tahun kewangan berakhir.

Sumber Pengagihan

Pengagihan kepada pemegang-pemegang unit adalah daripada sumber-sumber berikut:

	RM	RM
Pendapatan dari instrumen pasaran kewangan, sekuriti berpendapatan tetap dan lain-lain pendapatan	182,839,267	225,239,108
Pendapatan dividen	610,886,487	509,345,326
Keuntungan ternyata daripada jualan pelaburan	304,906,698	740,600,872
Kerugian bersih kadar tukaran asing	(5,627,626)	-
	1,093,004,826	1,475,185,306
Keuntungan ternyata daripada tahun-tahun sebelumnya	187,175,085	26,902,092
	1,280,179,911	1,502,087,398
Tolak: Perbelanjaan	(228,917,846)	(321,702,233)
Jumlah pengagihan	1,051,262,065	1,180,385,165
Pengagihan kasar dan bersih seunit	5.00 sen	6.00 sen

9. MODAL PEMEGANG UNIT

	2019		2018	
	Unit	RM	Unit	RM
Unit RM1 setiap satu dibayar penuh:				
Pada awal tahun	19,773,100,000	19,773,100,000	18,977,100,000	18,977,100,000
Penjadian unit untuk:				
Jualan	838,000,000	838,000,000	-	-
Pelaburan semula				
pengagihan	1,067,000,000	1,067,000,000	796,000,000	796,000,000
Pada akhir tahun	<u>21,678,100,000</u>	<u>21,678,100,000</u>	<u>19,773,100,000</u>	<u>19,773,100,000</u>

Sepanjang tahun berakhir 31 Ogos 2019, Pengurus tidak memegang sebarang unit didalam Unit Amanah. Pada 31 Ogos 2019, PNB secara sah memegang 22,522,572 (2018:112,078,536) unit, merangkumi 0.11% (2018: 0.57%) daripada jumlah unit yang telah diterbitkan.

10. URUS NIAGA DENGAN SYARIKAT-SYARIKAT BROKER SAHAM / BROKER / DEALER / INSTITUSI KEWANGAN

Sepuluh syarikat broker saham/broker/dealer terbesar mengikut nilai urus niaga ialah seperti berikut:

Syarikat Broker	Nilai Urus Niaga		Yuran Broker	
	RM	%	RM	%
Maybank Berhad *	1,450,366,270	11.69	-	-
Maybank Investment Bank Bhd**	1,343,976,217	10.83	1,333,438	17.23
Hong Leong Bank Bhd	1,182,643,454	9.53	-	-
Standard Chartered Bank Bhd	1,167,202,870	9.41	-	-
CGS - CIMB Securities Sdn Bhd**	865,905,484	6.98	829,813	10.72
Kenanga Investment Bank Berhad	529,678,279	4.27	392,733	5.08
MIDF Amanah Investment Bank Berhad	489,187,096	3.94	319,190	4.12
AmInvestment Bank Bhd**	444,417,129	3.58	474,894	6.14
RHB Investment Bank Bhd**	348,676,749	2.81	328,864	4.25
Affin Hwang Investment Bank Bhd	318,885,133	2.57	413,051	5.34
Others	4,264,965,693	34.38	3,646,498	47.12
	12,405,904,374	100.00	7,738,481	100.00

ASNB dan PNB tidak mempunyai pegangan ekuiti secara langsung di dalam syarikat-syarikat broker saham tersebut.

** PNB dan/atau tabung unit amanah di bawah pengurusan ASNB mempunyai pegangan ekuiti secara langsung di dalam syarikat induk terakhir bagi syarikat-syarikat broker berkenaan.

* PNB dan/atau tabung unit amanah di bawah pengurusan ASNB mempunyai pegangan ekuiti secara langsung di dalam syarikat-syarikat broker berkenaan.

Segala urusan dengan syarikat-syarikat broker saham telah dilaksanakan menurut perjalanan biasa berdasarkan syarat-syarat di dalam industri broker saham.

11. PUSING GANTI PORTFOLIO

	2019	2018
Pusing Ganti Portfolio ("PGP")	0.44 kali	0.45 kali

PGP dikira berdasarkan kepada nisbah purata di antara jumlah kos pembelian dan penjualan pelaburan untuk tahun kewangan, dengan purata nilai Unit Amanah untuk tahun kewangan dikira berpandukan asas harian.

Purata nilai Unit Amanah untuk tahun kewangan telah dikira pada kos kerana harga belian dan jualan telah ditetapkan pada RM1.00 seunit. Oleh kerana purata nilai Unit Amanah dikira berasaskan kos, perbandingan PGP Unit Amanah dengan unit amanah lain yang menggunakan asas yang berlainan tidak akan memberi perbandingan yang tepat.

12. NISBAH PERBELANJAAN PENGURUSAN

	2019	2018
Nisbah Perbelanjaan Pengurusan ("NPP")	0.90%	1.14%

NPP dikira berdasarkan nisbah di antara jumlah bayaran pengurusan dan perbelanjaan Unit Amanah yang dikembalikan dengan purata nilai Unit Amanah untuk tahun kewangan dikira berpandukan asas harian.

Purata nilai Unit Amanah untuk tahun kewangan telah dikira pada kos kerana harga belian dan harga jualan telah ditetapkan pada RM1.00 seunit. Oleh kerana purata nilai Unit Amanah dikira berasaskan kos, perbandingan NPP Unit Amanah dengan unit amanah lain yang menggunakan asas yang berlainan tidak akan memberi perbandingan yang tepat.

13. OBJEKTIF DAN POLISI PENGURUSAN RISIKO KEWANGAN

Pendedahan kepada risiko ekuiti/pelaburan, risiko pasaran, kecairan/pembiayaan dana, kadar pendapatan dan kredit, timbul dalam perjalanan biasa urusan Unit Amanah. Unit Amanah mempunyai garis panduan dan polisi pelaburan yang diluluskan berserta kawalan dalaman yang menentukan strategi perniagaan keseluruhan bagi mengurus risiko-risiko ini bagi memaksimumkan pulangan dan mengekalkan modal pemegang unit, selari dengan objektif jangka panjang Unit Amanah.

Risiko Ekuiti/Pelaburan

Risiko ekuiti adalah pendedahan kepada perubahan nilai saham ekuiti atau aliran pendapatan yang datangnya daripada pemilikan ekuiti di dalam sebuah entiti yang diperbadankan.

Risiko pelaburan adalah risiko daripada pelaburan yang tidak dapat menyediakan kadar pulangan yang setara dengan tahap risikonya.

Pengurusan risiko ekuiti/pelaburan termasuk penelitian di dalam penapisan cadangan pelaburan menurut garis panduan dan prosedur pelaburan, komunikasi yang berterusan dan pengawasan prestasi syarikat-syarikat yang dilabur yang teliti.

Risiko Pasaran

Pendedahan kepada risiko pasaran terhasil dari perjalanan biasa perniagaan Unit Amanah akibat ketidakpastian dalam harga pasaran instrumen kewangan yang dilaburkan.

Unit Amanah menguruskan risiko pasaran secara aktif melalui garis panduan dan polisi pelaburan yang disediakan dan juga strategi pengagihan portfolio aset dan pelbagaian. Unit Amanah tidak mengambil bahagian dalam sebarang aktiviti-aktiviti spekulatif.

Risiko Kecairan / Pembiayaan Dana

Risiko kecairan atau pembiayaan dana adalah risiko apabila Unit Amanah tidak mampu untuk memenuhi komitmen kewangan apabila ia perlu dijelaskan.

Unit Amanah menguruskan aliran tunai operasi bagi memastikan kesemua keperluan dananya dipenuhi sebagai sebahagian daripada kaedah pengurusan dananya. Unit Amanah mengekalkan tahap tunai dan pelaburan yang boleh ditukar kepada tunai yang mencukupi bagi memenuhi keperluan modal kerjanya.

Risiko Kadar Pendapatan

Risiko kadar pendapatan adalah risiko nilai instrumen kewangan Unit Amanah yang sensitif terhadap kadar pendapatan yang berubah-ubah disebabkan oleh perubahan dalam kadar pendapatan pasaran.

Unit Amanah menguruskan risiko kadar pendapatan secara aktif dengan mengekalkan portfolio instrumen kewangan berdasarkan garis panduan dan polisi pelaburan, dan semakan yang kerap ke atas kadar pendapatan dan jangkaan pasaran.

Risiko Kredit

Risiko kredit ialah risiko dimana kegagalan dari pihak yang berurusan untuk menunaikan kewajipan perdagangan yang muncul daripada perantara-perantara seperti broker saham dan institusi-institusi kewangan.

Unit Amanah menguruskan risiko kreditnya dengan penetapan polisi dan garis panduan bagi pelaburan dan had pendedahan pihak lain bagi mengurangkan konsentrasi risiko tersebut. Penilaian kredit dari semasa ke semasa dijalankan ke atas pihak-pihak tersebut.

14. LAPORAN BERSEGMENT

Unit Amanah diuruskan secara satu bahagian iaitu pelaburan di dalam pelbagai instrumen kewangan. Aktiviti-aktiviti Unit Amanah adalah berhubung-kait dan setiap aktiviti adalah berkaitan dengan satu sama lain. Justeru, semua keputusan penting operasi adalah berdasarkan satu strategi pelaburan yang diintegrasikan dan prestasi Unit Amanah dinilai secara keseluruhan.

15. MATA WANG

Semua jumlah dinyatakan dalam Ringgit Malaysia ("RM").

VII. ALAMAT CAWANGAN ASNB

KUALA LUMPUR

Amanah Saham Nasional Berhad
Kaunter Utama ASNB
Tingkat 1, Balai PNB
201-A, Jalan Tun Razak
50400 **Kuala Lumpur**

PUTRAJAYA

Amanah Saham Nasional Berhad
Lot 27, Kompleks Perbadanan Putrajaya
Presint 3
62675 **Putrajaya**

SELANGOR

Amanah Saham Nasional Berhad
Lot 18-1 & 18-2
Pusat Dagangan UMNO Shah Alam
Persiaran Damai Seksyen 11
40000 **Shah Alam**
Selangor

Amanah Saham Nasional Berhad
No.7, Jalan Medan Niaga 2
Medan Niaga Kuala Selangor
45000 **Kuala Selangor**
Selangor

Amanah Saham Nasional Berhad
(**UTC Selangor**)
Lot, 2-17(A), Tingkat 2, Anggerik Mall
No. 5, Jalan 14/8, Seksyen 14,
40000 **Shah Alam**
Selangor

MELAKA

Amanah Saham Nasional Berhad
No. 11 & 13, Kompleks Perniagaan Al-Azim
Jalan KPAA 1, **Bukit Baru**
75150 Melaka

NEGERI SEMBILAN

Amanah Saham Nasional Berhad
No. 120 & 121
Jalan Dato' Bandar Tunggal
70000 **Seremban**
Negeri Sembilan

JOHOR

Amanah Saham Nasional Berhad
No.12, Jalan Maju Taman Maju
83000 **Batu Pahat**
Johor

Amanah Saham Nasional Berhad
Lot No. 12 & 14, Jalan Padi Emas 1/2
Uda Business Centre
81200 **Johor Bahru**
Johor

Amanah Saham Nasional Berhad
No.6 dan 7, Jalan Muhibbah
Taman Muhibbah
85000 **Segamat**
Johor

PERAK

Amanah Saham Nasional Berhad
No. 8 & 8A, Persiaran Greentown 1
Greentown Business
Centre, 30450 **Ipoh**
Perak

Amanah Saham Nasional Berhad
No. 273, Jalan Intan 12
Bandar Baru Teluk Intan
36000 **Teluk Intan**
Perak

PAHANG

Amanah Saham Nasional Berhad
No. 71 & 73, Tingkat Bawah
Jalan Tun Ismail
25000 **Kuantan**
Pahang

Amanah Saham Nasional Berhad
No.8, Jalan Ahmad Shah
Bandar Seri Semantan
28000 **Temerloh**,
Pahang

PULAU PINANG

Amanah Saham Nasional Berhad
No.12, Jalan Todak 3
Pusat Bandar Seberang Jaya
13700 **Seberang Jaya**
Pulau Pinang

Amanah Saham Nasional Berhad
A-12A-1 dan A-12A-2
Lorong Bayan Indah 4, Bay Avenue
11900 **Bayan Lepas**
Pulau Pinang

PERLIS

Amanah Saham Nasional Berhad
Lot 7, Jalan Indera Kayangan
01000 **Kangar**
Perlis

TERENGGANU

Amanah Saham Nasional Berhad
No. 15, Jalan Batas Baru
20300 **Kuala Terengganu**
Terengganu

*Ahad - Khamis
8:15am - 4:00pm
(kecuali Cuti Umum)*

KEDAH

Amanah Saham Nasional Berhad
27, Kompleks Shahab Perdana
Jalan Sultanah Sambungan
05250 **Alor Setar**
Kedah

Amanah Saham Nasional Berhad
No.51 dan 53, Jalan Perdana Heights 2/2
Perdana Heights
08000 **Sungai Petani**
Kedah

KELANTAN

Amanah Saham Nasional Berhad
Lot 1182 & 1183, Jalan Kebun Sultan
15350 **Kota Bharu**
Kelantan

Amanah Saham Nasional Berhad
No. 52, 52A & 52B, Jalan Pasir
Puteh Sentral 2/5
16800 **Pasir Puteh**
Kelantan

*Ahad - Khamis
8:15am - 4:00pm
(kecuali Cuti Umum)*

*Ahad - Khamis
8:15am - 4:00pm
(kecuali Cuti Umum)*

SABAH

Amanah Saham Nasional Berhad
Tingkat Bawah dan Satu
No. A-G-18 & A-1-18, Blok A,
Sutera Avenue, Jalan Coastal
88100 **Kota Kinabalu**
Sabah

Amanah Saham Nasional Berhad
TB 4287 & TB 4280
Tingkat Bawah & 1 Town Ext II
Jalan Masjid, Kompleks Fajar Tawau
91000 **Tawau**
Sabah

Amanah Saham Nasional Berhad
Tingkat Bawah
Lot 1, Circular Blok A Harbour Town
Jalan Pantai
91100 **Lahad Datu**
Sabah

Amanah Saham Nasional Berhad
Lot 8 & 9, Blok B
Pusat Komersil Datun
Jalan Masak, 89008 **Keningau**
Sabah

Amanah Saham Nasional Berhad
Lot 15, Tingkat Bawah
Bandar Pasaraya, Fasa I
90000 **Sandakan**
Sabah

SARAWAK

Amanah Saham Nasional Berhad
Tingkat Bawah
Lot 499, Al-Idrus Commercial Centre
Seksyen 6, Jalan Kulas
93400 **Kuching**
Sarawak

Amanah Saham Nasional Berhad
Lot 886 & 887, Block 9
MCLD Miri Waterfront
Commercial Centre
98000 **Miri**
Sarawak

Amanah Saham Nasional Berhad
Sublot 2 & 3, Lot 4496, Junction 28,
Jalan Keppel,
97000 **Bintulu**
Sarawak

Amanah Saham Nasional Berhad
Lot 1457 & 1458
Sg. Kudang Shophouse
Ground Floor, Jalan Buangsiol
98700 **Limbang**
Sarawak

Amanah Saham Nasional Berhad
4C, Ground Floor
Lot 832 Jalan Sabu
95000 **Sri Aman**
Sarawak

Amanah Saham Nasional Berhad
Lot 1007 & 1008
Jalan Kampung Nyabor
96000 **Sibu**
Sarawak

MUKA SURAT INI SENGAJA DIKOSONGKAN

MUKA SURAT INI SENGAJA DIKOSONGKAN

MUKA SURAT INI SENGAJA DIKOSONGKAN

PENGURUS

Amanah Saham Nasional Berhad (47457-V)
Anak syarikat milik penuh:
Permodalan Nasional Berhad (38218-X)

PEJABAT BERDAFTAR

Pejabat Utama ASNB
Tingkat 1, Balai PNB
201-A, Jalan Tun Razak
50400 Kuala Lumpur

PUSAT KHIDMAT PELANGGAN ASNB

03-7730 8899

EMEL

asnbcare@pnb.com.my

LAMAN WEB

www.asnb.com.my

PORTAL

www.myasnb.com.my

myASNB App

PEMEGANG AMANAH

AmanahRaya Trustees Berhad

PEJABAT BERDAFTAR

Tingkat 14, Wisma AmanahRaya,
No. 2, Jalan Ampang
50508 Kuala Lumpur
Telefon: +603-2036 5129
Emel: art@arb.com.my

LAMAN WEB

www.artrustees.com.my

